



Broj: 05/7-50-13-370-24/17

Sarajevo, **21.4.2017.**

Z A P I S N I K

24. sjednice Vijeća nacionalnih manjina BiH, održane 21.4.2017.

Sjednica je počela u 12 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Jovanka Manžalović-Šalaka, Jakob Finci, Tijana Vučurević, Todorica Jovanović, Eva Pašić-Juhas, Hakan Varan, Silvija Vujović, Marija Grbić, Andrija Svatok, Vjeročka Gajić, Mladen Radmilović, Nedžad Jusić, Dejan Piotrovski, Davor Ebner, Velibor Kuvač, Dragan Marković i Halil Bicaj.

Sjednici iz opravdanih razloga nisu prisustvovali Marija Grbić i Hakan Varan

Sjednici su, također, prisustvovali: Irena Penc-Puzić, predstavница Ministarstva za ljudska prava i izbjeglice BiH, Zoran Brkić iz Sektora za odnose s javnošću Sekretarijata PSBiH, Dragomir Elez, volonter u Uredu sekretara Zajedničke komisije, Branislava Vignjević, stručna savjetnica u Zajedničkoj komisiji za ljudska prava, i Anđelka Dobrilović-Rajak, stručna saradnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno su** usvojili

D N E V N I R E D

1. Usvajanje zapisnika 22. i 23. sjednice Vijeća nacionalnih manjina BiH;
2. Razmatranje nepoštivanja Odluke o utvrđivanju troškova rada Vijeća nacionalnih manjina BiH;
3. Razmatranje Prijedloga kriterija za izbor članova Vijeća nacionalnih manjina BiH;

4. Aktivnosti u vezi s pripremom konferencije s ciljem određivanja uslova za identifikaciju pripadnosti nacionalnoj manjini;
5. Razno:
 - Informacija o organizaciji službene posjete Vladinom Vijeću za nacionalne manjine Češke Republike.

Ad.1. Usvajanje zapisnika 22. i 23. sjednice sjednice Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. Nije bilo rasprave o navedenoj tački dnevnog reda.

Vijeće nacionalnih manjina **jednoglasno je usvojilo** zapisnike 22. i 23. sjednice Vijeća.

Ad.2. Razmatranje nepoštivanja Odluke o utvrđivanju troškova rada Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Nedžad Jusić, Dragan Marković, Velibor Kuvač, Davor Ebner, Mladen Radmilović, Andrija Svatok, Todorca Jovanović.

Vijeće nacionalnih manjina **usvojilo je zaključak** da se od Zajedničke komisije za administrativne poslove traži obrazloženje Odluke o utvrđivanju troškova rada Vijeća nacionalnih manjina BiH, broj: 03/5-50-14-11-11,8/16, od 14.6.2016., i Ispravke Odluke o utvrđivanju troškova rada Vijeća nacionalnih manjina BiH, broj: 03/5-50-14-11-14,sl./16, od 15.11.2016.

„Prema Odluci o utvrđivanju troškova rada Vijeća (i Dopuni Odluke), broj: 03/5-50-14-11-11,8/16, od 14.6.2016., i Ispravci Odluke, broj: 03/5-50-14-11-14,sl./16, od 15.11.2016., na kojem principu se vrše isplate naknada koje pripadaju članovima Vijeća – po osnovu prisustva sjednici ili svaki mjesec bez obzira na to da li je održana sjednica Vijeća?“

Vijeće nacionalnih manjina je, također, prihvatilo i prijedlog da se sjednice Vijeća u narednom periodu održavaju u Sarajevu poslije 17 sati.

Ad.3. Razmatranje Prijedloga kriterija za izbor članova Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Nedžad Jusić, Velibor Kuvač i Jovanka Manzalović-Šalaka.

Prijedloge kriterija za izbor članova Vijeća nacionalnih manjina BiH dostavili su Tihomir Knežiček i Velibor Kuvač.

Vijeće nacionalnih manjina je, s **deset glasova „za“, tri „protiv“ i tri „suzdržana“**, usvojilo prijedlog Tihomira Knežičeka kojim se Prijedlog kriterija za izbor članova Vijeća nacionalnih manjina BiH upućuje Zajedničkoj komisiji za ljudska prava, s napomenom da je on i ranije bio upućen Zajedničkoj komisiji za ljudska prava 1.7.2016., ali nije bio prihvaćen. Zajednička komisija nije dala obrazloženje šta nije bilo prihvatljivo u ponuđenom prijedlogu. Vijeće nacionalnih manjina smatra da Zajednička komisija za ljudska prava mora imati kriterije za izbor članova Vijeća nacionalnih manjina, koji će omogućiti transparentnost u procesu odabira članova Vijeća, efikasan i rezultatima orijentiran rad Vijeća nacionalnih manjina BiH.

Ad.4. Aktivnosti u vezi s pripremom konferencije s ciljem određivanja uslova za identifikaciju pripadnosti nacionalnoj manjini

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Andrija Svatok, Dragan Marković, Velibor Kuvač, Eva Pašić-Juhas, Tihomir Knežiček, Nedžad Jusić, Jovanka Manzalović-Šalaka i Todorka Jovanović.

Vijeće nacionalnih manjina **jednoglasno je usvojilo** prijedlog da članovi radne grupe za pripremu konferencije budu: Andrija Svatok, Nedžad Jusić, Jovanka Manzalović-Šalaka i Tihomir Knežiček, a koordinator radne grupe Dragan Marković, te da će se prvi sastanak održati u roku od 15 dana.

Ad.5. Razno:

- **Informacija o organizaciji službene posjete Vladinom Vijeću za nacionalne manjine Češke Republike**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Nedžad Jusić, Dragan Marković, Andrija Svatok, Vjeročka Gajić, Jakob Finci, Jovanka Manžalović-Šalaka i Irena Penc-Puzić, predstavnica Ministarstva za ljudska prava i izbjeglice BiH.

- Vijeće nacionalnih manjina primilo je k znanju Informaciju u vezi s organizacijom službene posjete Vladinom Vijeću za nacionalne manjine Češke Republike.
- Vijeće nacionalnih manjina BiH je, **s devet glasova „za“, dva „protiv“ i četiri „suzdržana“**, usvojilo zaključak kojim se od Vijeća ministara BiH traži informacija u kojoj mjeri se realizira i poštuje član 6. Zakona o Vijeću ministara Bosne i Hercegovine, u kojem se navodi da u sastavu Vijeća ministara BiH mora biti osigurano jedno mjesto za pripadnike ostalih.

Sjednica Vijeća nacionalnih manjina BiH završena je u 14 sati.

Sastavni dio ovog zapisnika je tonski snimak 24. sjednice Vijeća nacionalnih manjina BiH.

Predsjedavajući Vijeća nacionalnih manjina BiH
prof. dr. Tihomir Knežiček